



Broj: 03/6-50-14-12-16/15

Sarajevo: 28.1.2016.

IZVJEŠTAJ S TEMATSKE SJEDNICE

POVODOM 30. AUGUSTA, MEĐUNARODNOG DANA NESTALIH, ODRŽANE 1.9.2015.

Zajednička komisija za ljudska prava Parlamentarne skupštine BiH je 1.9.2015. održala tematsku sjednicu povodom 30. augusta, Međunarodnog dana nestalih. Na sjednici je ukazano na razmjere ovog problema, a institucije koje se bave ovim problemom pozvane su da intenziviraju napore na dosljednoj primjeni Zakona o nestalim licima. Također su ohrabrene da nastave djelovati u pravcu verifikacije Centralne evidencije nestalih lica, osnivanja fonda za pomoć porodicama nestalih lica, kao i traženja novih mogućnosti u procesu pronalaženja potencijalnih grobnica.

Naglašeno je da su lica koja su nestala tokom oružanih sukoba u BiH naša surova stvarnost, koja uzrokuje strahovite patnje, naročito za porodice nestalih. Nisu samo nestala lica žrtve, nego i članovi njihovih porodica, poručeno je na skupu. Istaknuto je, kao veoma važno, da se država aktivno uključi u proces pronalaženja i identifikiranja nestalih lica.

U vezi s tim, učesnici skupa podsjetili su na to da je BiH, zajedno s Hrvatskom, Srbijom i Crnom Gorom, uz podršku Međunarodne komisije za nestala lica (ICMP), prošle godine u Mostaru, potpisala Deklaraciju o ulozi države u procesu rješavanja pitanja nestalih usljed oružanih sukoba i povreda ljudskih prava.

Također je naglašeno da je obaveza države da utvrdi kakve su sudbine nestalih i gdje se nalaze nestala lica, što predstavlja pravo na istinu. Ovo pravo usko je povezano s pravom na pravdu, pravom na obnovu i garantira neponavljanje kršenja tih prava, što znači da država ima obavezu, utvrđenu međunarodnim pravom, da istraži kršenja i kazni krivce.

Poručeno je da se rješavanjem pitanja nestalih lica doprinosi izgradnji mira, povjerenja i tolerancije, odnosno sprečavanju ponavljanja sukoba, što rezultira stabilnošću i dugoročnim prosperitetom.

Na kraju konferencije zaključeno je da se transkript s tematske sjednice uputi Zajedničkoj komisiji za ljudska prava. Zajednička komisija za ljudska prava je na 16. sjednici održanoj **28.01.2016.** usvojila sljedeće zaključke:

ZAKLJUČCI

1. Zajednička komisija smatra da je obaveza države da utvrdi kakve su sudbine nestalih i gdje se nalaze nestala lica, što predstavlja pravo na istinu. Ovo pravo usko je povezano s pravom na pravdu, pravom na obnovu i garantira neponavljanje kršenja tih prava, što znači da država ima obavezu, utvrđenu međunarodnim pravom, da istraži kršenja i kazni krivce.
2. Rješavanjem pitanja nestalih lica doprinosi se izgradnji mira, povjerenja i tolerancije, odnosno sprečavanju ponavljanja sukoba, što rezultira stabilnošću i dugoročnim prosperitetom.
3. Pozivaju se sve nadležne institucije da se aktivno uključe u proces pronalaženja i identificiranja nestalih lica.
4. Od nadležnih institucija traži se da intenziviraju napore na dosljednoj primjeni Zakona o nestalim licima, kao i da utiču na proces verifikacije Centralne evidencije nestalih lica, osnivanja Fonda za pomoć porodicama nestalih lica, kao i traženja novih mogućnosti u procesu pronalaženja potencijalnih grobnica.